



“Më janë dhënë pesë gjëra që nuk i janë dhënë askujt (prej peygamberëve) para meje

Xhabir ibn Abdullahu (Allahu qoftë i kënaqur me të!) transmeton se Profeti ﷺ ka thënë: “Më janë dhënë pesë gjëra që nuk i janë dhënë askujt (prej peygamberëve) para meje: jam ndihmuar me lemerinë (që i zë armiqtë e mi) në distancë sa një muaj rrugëtim, toka më është bërë vendfalje dhe mjet pastrimi, andaj këdo prej umetit tim që namazi e zë, le të falet aty (duke marrë tejemum me dhé të pastër). Më është lejuar plaçka e luftës, gjë që nuk i është lejuar askujt para meje. Më është dhënë e drejta për ndërmjetësim (shefat). Të dërguarit para meje janë dërguar te një popull i caktuar, kurse unë jam dërguar te të gjithë njerëzit.”

[Sahih] [Muttefek alejhi]

Në këtë hadith Profeti ﷺ tregoi se Allahu ia dhuroi pesë tipare që nuk ia dha asnjë peygamberi para tij: Së pari: jam ndihmuar me lemerinë, e cila hidhet në zemrat e armiqtë të mi, edhe nëse mes meje dhe tyre ka një distancë rrugëtimi prej një muaji. Së dyti: toka na është bërë vendfalje dhe ne mund të falemi kudo që të jemi, si dhe na është bërë mjet pastrimi me dhé, kur nuk mund të gjejmë ujë. Së treti: na janë lejuar plaçkat e luftës, rrjedhimisht ato që i marrin muslimanët në luftën e tyre kundër jobesimtarëve. Së katërti: më është dhënë ndërmjetësimi (shefati) i madh për t'i rehatuar njerëzit nga tmerri i qëndrimit në Ditën e Kiametit. Së pesti: jam dërguar te të gjithë krijesat, përfshirë njerëzit e xhinët, ndryshe nga profetët para meje, të cilët ishin dërguar vetëm te popujt e tyre.

<https://sunnah.global/hadeeth/sq/show/3503>

